



240-4514

B 64853

~~懶石~~贍禪師語錄敘

懶石禪師以英睿之年荷別傳之任其得法最先而了無矜習魚魚然似不能言者望而知其爲滹沱正派馬駒裔苗故其接人語句棒喝機緣晴風黑雨余雖不甚領略而心折其爲格外提持乃破山嫡孫丈雪真子也先是丈和尚開法漢之靜明宗風鼎盛遵以掃塔天童而師繼之四衆歸師與其歸丈和尚無以異也余睹其陞座機語峻捷快便不啻放過絲毫電光中垂手石火裏藏身遂贈以句云總是破山一

撰述

惟不祖自言金門

小小影響者耳其語句不喜詭鉅未輕示人昔圓悟勤稱虎丘隆曰瞌睡虎也末后出林殺人無數迄今五百年來惡聲遍野是知道出常情開欲序之恨無下手凡讀是錄欲知是人須向無下手處一會順治己亥夏了菴居士劉道開拜

序

造化工繪上繪日月星辰雲霞雨雪下繪山川草木人物蟲魚獨不能描画虛空画師亦然凡有形者從筆端點出造化之巧一一能肖至於虛空則便無下手處天下善知識卽造化也以文字讚歎善知識卽画師也余何知敢擅用丹墨塗寫第生平有一得意語不得不拈出昔五祖演說法諸方共推爲不可及讀之令人手舞足蹈近丈和尚以法語見示竊以爲酷類五祖演今賴石聆禪師丈和尚高弟也閱其靜明語錄又絕似丈和尚諸方應所共推余不能贅

標題

博石禪師語錄

一語描画虛空取譏識者

順治己亥歲佛誕日構李約庵道人施博謹序



# 懶石聆禪師語錄目次

## 序文

住漢中府靜明寺語錄

住漢中府寶林寺語錄

住雲南府商山寺語錄

## 卷一

上堂

## 卷二

小叅

廣錄

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

釋迦

讚

機緣

頌古

卷三

行錄

法語

書問

佛事

十無

詞

分燈

偈

卷四

偈

目錄終

釋迦傳印記

支那

大

大

大



懶石齋禪師語錄卷第一

嗣法門人海瑞錄

住漢中府靜明禪寺

順治丙申十月十五日佛殿云佛身無相凜凜巍峩  
見已見矣更要做麼仁義道中合禮三拜

祖師堂云無端一葦到中華添得兒孫眼裏沙今日  
初拈香一瓣鼻孔觸碎絕周遮

韋馱殿三千里外閒遊戲爭如箇裏一承當佛法塞  
滿虛空也公從何處作金湯

伽藍殿一箇散開千萬箇都盧到此來弘護來弘護

法王法令從此露

方丈毘耶室摩竭令坐著當軒絕凡聖二尺鎔耶照  
膽寒惟要諸人得徹困

詣座前拈疏云花簇簇千重百市錦攢攢百市千重  
八字打開當陽獨露大衆見麼請維那高聲宣過  
指座喝一喝云此是須彌山王明明白絕覆藏處新長  
老要坐便坐要上便上遂陞拈香云此辨香非從天  
降豈藉地生威音那畔拾來人天衆前拈出爇向爐  
中供養三世諸佛歷代祖師此辨香明日月峻若  
須彌信手拈來端爲祝延今上

皇帝萬歲萬歲伏願皇風吹一統化日照三千此  
辨香名不得狀不得爇向爐中奉爲

平西親王殿下千歲千千歲伏願威鎮八表德庇萬  
方此辨香虛空背上拾來大洋海底拈出爇向爐中  
奉爲本府文武尊官當山請主高增祿位壽等彌盧  
此辨香生逢亂世爇在機先第一回拈出爇向爐中  
供養前住漢中靜明現住嘉興青蓮丈雪大和尚用  
酬法乳溪恩斂衣敷坐上首白梃云法筵龍象衆當  
觀第一義僧問如何是靜明境師至庭前柏子經霜  
翠進云如何是境中人師至赤條拄杖一肩擔進云

撰述

唐宋元詩卷一

人境已蒙師指示祝聖一句作麼生道師云漢外浮圖點太空間盡大地是箇爐鞴十二類衆生到來如何般煉師云看取拄杖子進云恁麼則有凡有聖師云放汝三十棒問如何是奪人不奪境師云黃葉霜飄白進云如何是奪境不奪人師云三歲孩兒抱花鼓進云如何是人境俱奪師默然進云如何是人境俱不奪師云六花叢裏獨遊行進云人境已蒙師指示單傳意旨事如何師震威一喝問泥牛吼震虛空時如何師云天台多積雪進云恁麼則截斷人天也師云漢江已結冰進云虛空橫寶劍和上也須照顧

師云劄乃云宇宙渾圓一座爐當陽日月熾然孤靜明今日重添炭高舉鉗錘意自舒萬象森羅增瑞色三賢十聖嘴盧都銅頭鐵額難迴避煉得通身絕點無所以道般若如大火聚近之則燎却面門般若如太阿鋒觸之則喪身失命正恁麼時翻身垂手者是甚麼人海底金烏天上日眼中童子面前人復舉南泉云昨夜三更文殊普賢起佛見法見各與二十棒貶向鐵圍山裡檢點將來者老漢大似有尾無頭今日靜明若有起佛見法見燒黃熟香供養且道山僧與古人諸訛在甚麼處一句了然超百億萬劫長視

## 聖明君

上堂卓拄杖云臨濟德山來也衆中有吞雲吐霧底衲僧麼僧問佛法徧虛空師從何處說起師云雪花開似錦漢水碧如藍進云者是法如何是佛師云拄杖頭邊別有天進云未有佛祖已前畢竟在甚麼處師云領取鉤頭意問如何是到底一句師云鐵蛇橫古路僧擬議師便打問如何是日用事師云穿衣喫飯進云親切一句又作麼生師云迎賓待客問學人不參禪不學道祇得一把金剛劍舉向師前作麼生抵敵師合掌云善哉善哉乃云道本無言法本無傳

無說無傳無聞無聽正恁麼時不說不聞一句作麼生道動容揚古路不墮悄然機舉僧問雲門學人不起一念還有過也無門云須彌山靜明則不然今日有箇漢出來問學人不起一念還有過也無只對伊道天王頭上寶花冠大眾且道山僧與雲門是同是別定當得拄杖子兩手分付設若不然拄杖子爲諸人通箇消息便擲下

臘八日上堂僧問世尊觀明星卽不問那裏是悟處師云古廟堂前石獅子進云與麼猶寒冷在師云凍殺閻黎問法不孤起仗境方生境相歷然如何是法

師云天台朝麗日漢水晚留雲乃云寒光獨露迴脫  
根塵智理一如森羅煥彩拈拄杖云釋迦老子夜來  
覩明星悟得的向山僧拄杖頭現無量身放大寶光  
坐微塵裏出廣長舌盡與諸人吐露了也復頌云羣  
芳未吐梅先破漏洩枝頭獨占香化母提針穿繡錦  
預呈一段報春陽

上堂云光在羣象氣絕諸塵一道坦然徧周沙界所  
謂處處真處處真塵塵盡是本來人真實說時聲不  
見正體堂堂沒卻身既沒卻身且道拄杖子從甚處  
得來知則途中受用不知世諦流布

解制上堂今日元宵正月半燈光市地普天鑒一燈  
點出百千燈一一光從毫上現淨牒牒無回互赤灑  
灑絕承當衲僧家私威音已前不會結樓至佛前何  
曾解正與麼時行步不須眼定動坐觀石虎吼雲中  
上堂倚天長劖逼人寒截了舌頭三千里衆中還有  
不顧性命者麼試出來相救僧問大開爐鞴煅聖  
凡今日高登寶座海衆雲集未審有何祥瑞師云花  
開碧岫山裝面進云臨機一句意如何師云月映寒  
潭水回眉進云恁麼添意氣何處不沾恩師云謝闍  
黎證明問如何是當陽一句師云玉闌干上頻伽鳥

進云還有向上事也無師云紅藕花間白鷺鷥問如何是佛師云眉毛兩道橫進云如何是法師云四十八進云如何是僧師云縱目所觀乃云般若無相萬法全收智理一如全彰意氣豎拂子云一爲無量無量爲一盡虛空徧大地日月星辰森羅萬象人非人等情與無情無量無邊不可說不可說種種之法盡被山僧龜毛拂子一串穿卻縛作一團擲下云還會麼層落落影團團恁爾諸人著眼看復舉僧問雲門如何是諸佛出身處門云東山水上行今日若有人問靜明如何是諸佛出身處向伊道黑漆皮燈

籠葛藤且置祇如今日祝聖報恩一句作麼生道時衆齊下一喝師一喝卓拄杖下座

誕日上堂僧問和尚未出母胎時與學人通箇消息師云三門頭上簷竿子嘯月吟風待上賓問世尊初降指天指地和尚誕辰有何祥瑞師云風來萬木天揚籟水激千谿石上琴問適纔有椿奇特事忘卻了也和尚還記得麼師打一棒僧喝師云汝再喝看進云猶要第二杓惡水那師云切忌作奇特商量問四大本空那裏是諸佛安身處師震威一喝僧擬議師云速退速退乃云昨夜木馬潭底過今朝石虎嘯雲

中玉兔金烏追不及潛入諸人鼻孔中復云我本無心有所希求今此法王大寶自然而至以杖打圓相云二十五日已前后不至郵二十五日已后前不抵店正當二十五日淨裸裸絕承當赤灑灑無回互虛空無向背大地絕遮欄透頂透底絕見絕聞卓卓現前無巴無鼻壁立萬仞萬仞壁立諸佛到此覩之不及未審衆中還有覩得及者麼與木上座通箇消息遂敲香几云擊碎虛空無別旨光流塵刹報親恩解制上堂百日禪期今已畢牛兒馬子出欄去芒鞋竹杖疾如風切忌平田苗犯鼻老谷烟霞恁爾餐谿

邊碧水閒遊戲靜明鼓笛從君弄休向人前生擬議所以道把住則黃金失色放行則瓦礫生光正恁麼時把住卽是放行卽是喝一喝五千林萬壑花欲開旣開又被風吹落

四月八上堂師云一滴水兮一丈波雲雷風聚吼龍窩金鱗若解翻身去四海五湖萬頃波未審衆中有吞雲吐霧者麼一僧出師打僧喝師云蚯蚓蝦蟆乃云玉蝶穿花老黃鸝枝上啼時臨四月八處處浴牟尼葛拈拄杖云大眾釋迦老子生也誰解親手一浴清淨自無沙泥染休將惡水潑須彌所以絲毫不挂

脫體風流指天指地七步周遊通身漏逗獅子哮吼人間天上孰敢輕酬者裏薦得戒本無受其或未然大庾嶺頭石上事拄杖挑來挂髑髏

爲子寄名請上堂夏雲乍卷秋雨初晴棗園果熟水殿山青寒空抱氣滿之月金殿走五色之麟正是魁吾楊公爲男更名花青之期前三後二乃至八萬四千諸塵勞門凶星惡曜盡被山僧拄杖子一狀領過惟有者點光明灼大慈和孝順之心注汝孩男躬中具大辯才顯大智慧紹續宗祧更不移易一絲毫聽吾偈曰根種靈山七寶臺香風襲襲向東開旖旎迴

### 與羣芳別佛手親曾授記來

望日圓滿道場請上堂師云棒頭有眼明如日要識真金火裏看未審有與麼人麼試出來與拄杖子相見維那問大檀越修造功勳卽不問道場圓滿意如何師云日暖千峰色雨洗百花香進云恁麼則祥雲彌梵刹瑞氣靄龍圖師云向下道將來進云晴空万里皎皎一輪孤師云非汝境界問世尊陞座文殊白椎漏逗了也未審漏逗箇甚麼師云雲藏無縫罅花發不萌枝問一句含萬象未審是那一句師云雨過莓苔潤春來艸自青進云恁麼均沾恩力去也師

云不勞懸石鏡天曉自分明進云橫開不在春枝上  
 別有風流一段奇師云卻被你道著乃云天爲片瓦  
 地爲磚金輪御日碧空懸沒量大人親住此瓦礫森  
 羅盡梵顏無邊刹海自他不隔於毫端十世古今始  
 終不離於當念是以王侯公子合會宰官大護法功  
 德主巴樂軒公同興一念便向無相國中毫毛頭上  
 建立種種瓊樓玉殿種種殊勝金容囊藏百萬人天  
 收盡五湖風月堅請山僧陞於此座轉大法輪舉揚  
 箇事且道如何是箇事葛拈拄杖向空中一画云八  
 萬四千功德聚萬古微猷壯帝都

上堂云一夏以來忘鋒結舌今日因齋慶贊向開口  
 不得處扭轉舌頭與諸人通箇消息良節秋初七月  
 天西風拂拂柳含烟香和湛水連天碧迥出木叉體  
 相圓此四句中有一句包羅萬彙氣絕諸塵三世諸  
 佛沒奈何歷代祖師難摸索若檢點得出一生參學  
 事畢其或未然看取木上座牽枝引蔓去也下座  
 平西親王吳福晉夫人張氏建盂蘭勝會請上堂師  
 陞座拈香祝聖畢僧問一雨普潤萬卉齊滋大地人  
 人成佛已竟今朝會中薦箇甚麼師云滿頭白髮離  
 崩窟進云恁麼江風杳杳涵月免桂花叢裏現全身

撰述

懷石齋的詩集卷一

師云半夜穿雲入市廻進云金鷄啼子后依舊日東紅師打僧喝師連打問古今公案卽不問師登寶座意如何師云秋光爍破閣黎面進云慶賞一句作麼生師云珊瑚猶帶桂輪香問今日與靈山一會等無差別如何得脫苦生天去師云天台峰七上八下進云卽今還有纏縛也無師云漢江水十字縱橫進云夜半泥牛吞海月水雲深處露堂堂師云得問如何是第一義師以杖示云會麼僧擬議師便打問父母未生前甚麼處安身師云芭蕉樹下臥猫兒乃云摩訶衍法絕百非離四句看破老胡西來意如是何須

登曲采木鼓兩片皮弄二寸舌有甚麼交涉還委悉麼大眾要會西來意麼衆中若有箇頂天立地腦後見腮赤條條的漢子向山僧未出方丈時薦得二世諸佛歷代祖師天下老和尚當體全彰分身百億大地衆生現前僧俗男女立地成佛日月星辰讚之莫及恁麼說話靜明也是節外生枝虛空掘洞以當說法取笑諸方然雖如是未免向開口不得處扭轉舌頭說幾句沒滋味澹話聊酬所請正與麼時且道爲王祈安得勝一句作麼生道邊邦寧靜歸皇化指日功成奏凱歸

福晉夫人爲慈母

太老夫人賓天請上堂師

云雪映梅花春正陽香山秀水渺茫紅輪皎皎沉西去

試問亾靈往那方遂拈拄杖指龕云向者裏脫略得去生亦非生歟亦非歟生歟去來之機澹雲點太青

之色苦樂無依聲色俱泯二生罪業無明當下冰消瓦解卽證真常妙樂之地非比尋常脫灑之天其或

未然山僧今日爲徹空居士指箇路頭去也爐煙初發白是汝轉身時威音佛前動一機箭疾衝開碧琉璃來向王宮開正眼壽享椿年七十餘回頭撒手渾不顧悟得心空及第處泥連岸上進步溪性海波中

月一曲復左右視云藥此今辰般若力獨踞蓮華香藥窟

秉拂上堂僧問鐘鳴鼓響卽不問陞堂句子作麼生師云水澄孤月朗進云未陞時如何師云雲散碧天斜進云當陽一句蒙師指正恁麼時如何師云薦取鉤頭意問他國風聲卽不問獨坐虛堂事如何師云白鷺下田千點雪進云雲消月現又作麼生師云黃鸝上樹一枝花問千手大悲難摸索且道是箇甚麼師云是甚麼僧喝師云錯進云當年龍女現珠證果今日學人證箇甚麼師云切忌妄想僧豎拳師打云

撰述

佛家言

錯錯問攢花簇錦卽不問如何是親切一句師云你  
問甚親切僧豎拳師打問木馬嘶風卽不問如何是  
鐵牛背上按乾坤師云劙去久矣子方刻舟進云如  
何是末後句師云三門騎佛殿走入鼻孔裏居士問  
如何是禪師打土喝師復打云今日風頭太硬乃云  
棗紅茶綠水碧山青雲開萬里佛日輝騰真人無位  
越色超聲於斯薦得非古非今卓杖一喝云喝下明  
機看破臨濟家風棒頭廓徹捉敗德山門戶然雖如  
是棒喝向上有事在衆中若有箇頂領具眼通身是  
口的衲僧出來道得拄杖子禮拜有分設或未然盼

上座與諸人下箇註腳去也朕兆以來黑漆桶承師  
命挂須彌峰那吒八臂難遮掩千眼大悲觀莫窮擲  
杖鼓掌呵呵下座

佛誕日上堂拈香祝聖畢師云臥龍才奮迅千里佚  
翶翔釋迦老子來也試出相見僧問皇宮降跡鷺嶺  
拈花卽不問玲瓏八面來時如何師云玉堂金馬無  
人跨香象雲間駕日輪進云海浪澄清龍已現大家  
鼓起漢江波師云高高峰頂立深深海底行進云虛  
空電閃乾坤白無名山上發春雷師云領取鉤頭意  
休認定盤星僧喝師打云者一棒也放汝不過問未

撰述

補不刊錄卷一

陞座意旨如何師云日月不透乾坤黑進云陞後如何師云處處香花映碧天進云當陽露出人天眼酬恩一句作麼生師打云人間無水不朝東問未離兜率已降王宮意旨如何師云掬水月在手進云未出母胎度人已畢因甚四十九季婆心師云弄花香滿衣進云今古相去多少師云不隔一線乃云未降娑婆已離兜率未出母胎橫說豎說宇宙雖舒無地安著今日撞入靜明翻成一場絡索雖無香湯浴沐且有笊籬木杓大千沙界絕莖毛火裏蓮華光爍爍正恁麼時以何供養薦拈拄杖作○云單單惟有者箇

復卓云釋迦老子被山僧觸碎鼻孔護痛不已向拄杖頭默默隱身而去若知釋迦去處便知我國安吳公捐貲布砌洪敞法筵兼請登座舉揚箇事且道功圓果滿一句作麼生道瓦礫翻成琉璃色磚頭土塊淨法身古人道舉一不得舉二放過一著落在第二遂擲拂子云山僧落了也良久復鼓掌呵呵云摘楊花摘楊花

誕日上堂云青天霹靂沛然下雨且道衆中有合水和泥者麼試出來道看僧問生前消息卽不問生後真機請舉揚師云簸箕有唇僧禮拜師云米跳不出

問覲面相呈乞師痛棒師云棒頭有眼明如日進  
明明不覆藏師云要識真金火裏看僧翹足師打乃  
云神光不昧萬古微猷入此門來莫存知解如是生  
亦非生死亦非死虛空撲落地露出靜明裏與麼光  
吞羣象氣絕諸塵應用無窮總不離八正當恁麼時  
一句作麼生道珍重聖恩何以報萬年松上一枝藤  
下座

癸卯元旦吟嘛請住寶林禪院

三門云十方界闢解脫門一回遊戲一回新拖犁拽  
耙無別事須假兒孫腳下行既然如是只如聆上座  
到此作麼生一片紅霞初出海縱橫無礙遶乾坤  
佛殿云虛空一具黃金像獨露雄雄塵刹中葛劄相  
逢同水月了無回互絕羅籠旣無回互新長老拜卽  
是不拜卽是撒下坐具云禮

方丈云入此虛空室據此無畏牀魔佛與神天都來  
齊按過喎當臺寶鑑合諸象萬古長輝無盡燈  
上堂拈香祝聖畢斂衣敷坐僧問新提祖令意旨如  
何師云趙州東壁挂葫蘆進云大地人來作麼煅煉  
師云榔栗頭上火星飛問野雲籠萬壑秋水洗長空  
如何是一簇破三關師云過也僧擬議師震威一喝

乃云夏末時臨刪正秋十方諸佛降雲樓儼然面目  
刹塵現遊戲神通拄杖頭驀至杖云會麼喚作拄杖  
子便是十方諸佛喚作十方諸佛卻是拄杖子道得  
分明山野與你作證其或未然木上座一狀領過復  
舉世尊因普眼欲見普賢乃至三度入定徧觀三千  
大千世界覓普賢不能得見而來白佛佛云汝但於  
靜三昧中起一念便見普賢普眼於是纔起一念見  
普賢向空中乘六牙白象師顧左右云且道見的是  
不見的是若謂見眼裏著沙若謂不見辜負已靈三  
箇奴郎喜氣佳相逢慣弄玉琵琶靜中三昧無都事

### 添得遊人眼裏沙

上堂僧問如何是父母未生前本來面目師云屋北  
鹿獨宿進云如何是已生底師云溪西鷄齊啼問撥  
艸瞻風祇圖見性如何是性師云般角鳴吻嘶皓月  
進云識得自性了脫生死且道作麼生脫師云海底  
波斯躍碧天問如何是賓中主師豎拂子進云如何  
是主中賓師放下拂子進云賓主相見時如何師震  
威一喝乃云蝸牛角上三千界蟻螟眼裏四百洲關  
頭向上無餘事碧蟬聲速露清秋此四句內有一句  
非長短方圓諸佛詮註不得祖師提掇不起拋下拂

子云且道是什麼舉世尊因外道問昨日說何法世尊云說定法外道云今日說何法世尊云說不定法外道云昨日定今日因何說不定師云外道是無智之人被世尊欺瞞不少昨日定直條無星秤今日不定八兩是半斤與麼說話還知寶林舌頭麼喝一喝上堂云第一義諦了沒巴鼻釋迦眼睛達磨心髓惺定乾坤趙州道底恁麼提唱孰敢相許不惜眉毛通箇消息葛拄杖云達磨來也且道如何管待無謂寶林無供養滿盤羅列盡摩尼

上堂云佛以一音演說法衆生隨類各得解祖以一

音建法幢立宗旨寶林以此一音痛下鍼錐敲骨取髓星辰日月之所照照此一音萬象森羅之所彰彰此一音風雲雷雨之所鳴鳴此一音諸佛之所證證此一音衆生之所迷此一音乃至六道四生之所轉轉此一音山僧之所說說此一音諸人之所聽聽此一音遂震威一喝云一音入百千萬億音百千萬億音入此一音如何是一音若將耳聽終難會眼底聞聲方始知

住雲南府商山禪院

三門云八萬四千陀羅尼門都從者裏建立新長老

楔述

卷一百一十五

三

到此施設一句作麼生道廓徹圓通何所閑縱橫瀟灑透長安便入

佛殿云處處撞頭磕額塵塵體露全真燈籠喜笑合掌露柱倒舞歌吟且吟箇什麼雲繞綠樹鳥聲碎風搖月殿獅琴鳴

方丈據坐云雙收雙放佛祖家風獨弄單提衲僧作用商山今日據令去也寶劍光寒浮逼逼鐵眼銅睛也皺眉

上堂詣座前舉疏云拈花面壁之旨獅子幌毬之機盡此疏中漏逗了也還欲山僧起模画樣作麼然雖如是閉門造車出門合轍讀畢

指座云堂堂露迴華王座說甚威音寶月輪不是老儂多愛樂一回登了一回新遂白椎竟問玄武山中出異獸商山風景更不同杲日當空羣迷盡如何是象王行處絕狐踪師云鐵牛耕破黃金甸進云獅子未行牙爪露哮吼今古罕曾聞師云木馬嘶翻碧玉池進云鐵牛不怕獅子吼塊驚魄落野狐精師云幾點梅花開欲盡一枝紅杏占春先進云脫體全彰隨作用常轉吾宗正法輪師云雪覆千山孤峰不露僧喝師云好喝乃云雲散晴空正上堂石頭瓦礫眼增

光山門佛殿呵呵笑赤口金剛爲舉揚此四句內有一字有照有用有縱有奪檢點得出自然當地瞥脫其或檢點不出歷歷眼前錯過諸佛覩之莫及祖師提掇不起無端撞在商山手裏不敢囊藏被蓋八字打開當陽拋出惟要諸人知箇下落驀拈拂子向空劃云還知下落處麼知則人人受用不知世諦流布今日是我覺白主人偕諸檀越於般若中忽興一念擺開辣手將山僧拽在曲彎牀上激揚此事應箇時節如何是應時及節的事披烟策杖入陞山祖印高懸萬象寒嚼碎陽春歌白雪東風吹綻一花鮮復舉奉塵刹是則名爲報佛恩

趙州從殿上過忽喚侍者一聲者應諾州云好殿功德者無對師云今日看來趙州也是望空啓告欲覓知音侍者乘虛接響爭奈後來無語還有與侍者代語者麼若無山僧爲伊頌出首前應諾後無對一殿功德似瞌睡覓箇知音不放光依然打入奴家隊葛藤且止報恩一句如何道以杖卓一卓云將此身心奉塵刹是則名爲報佛恩

上堂師以杖作釣勢云鉤頭香餌輕拋出未審金鱗何處來時旬舒法弟問太華山夜月搖影海風流極底無聲色如何悉唱訶師云五華峰頂頭正尾正進

撰述

佛說經旨錄

卷

云曙色未分人盡望及乎天曉也尋常師云碧雞關上七縱八橫進云者邊那邊聯穿卻一句當陽半壁滇師云橫挑日月豎括乾坤進云任運虛空無量壽大家托出破沙盆師云舉手攀南斗翻身倚北辰進云與麼則呵佛罵祖去也師云出頭天外看誰識我般人乃云包天裹地揭出徽猷體寂圓常不拘明暗頭頭顯示物物全該越色超聲離聞絕見道有纖塵不立道無橫徧十虛祇要當陽目極貴在直下知歸所以道一切聲聞辟支佛所不能知惟佛與佛乃能知之衆中有知者麼如無木上座與諸人透漏去也

葛拈拄杖云見麼復卓一卓云知麼縱饒知見分明早已墮坑落塹正當此際非知非見又且如何江天有月江天印萬里無雲萬里寒舉臨濟不衆云赤肉團上有一無位真人常在汝等諸人面門出入未證據者看看時有僧問如何是無位真人濟下繩牀擣住云道道僧擬議濟托開云無位真人是什麼乾屎橛師云大小臨濟與麼拈弄也是泥裏洗土塊未爲奇特者僧甚是氣槩一釣便上總被臨濟舌頭換卻至今轉身吐氣不得衆中有傍不甘的轉得身吐得氣山僧亦要問你喚什麼作無位真人喝一喝云無

撰述

卷一

一

位真人面目全分明出入絕毫端去來迅捷風千里  
萬古宗門正眼看適纔舉也舉了斷也頌也頌  
了還知山僧與臨濟舌頭落處麼明明用了一何物  
達者須知暗裏驚

誕日上堂云摩天日月輝今古大道何曾有異覩夜  
半虛空撲落地萬象長歌森羅舞秘魔又禾山鼓趙  
州茶雲門普甜者甜兮苦者苦爭似山僧二十五復  
鼓掌呵呵云堪笑釋迦老子降生之時指天指地周  
行七步云天上天下唯我獨尊師云者老漢手忙腳  
亂向無佛處禰尊只知錐頭利未見鑿頭方今

日山僧母難之辰寄跡商山閣中肩橫柳栗驟步出  
來縱奪殺活言未止於三句四句且道盼上座與世  
尊同耶別耶若謂同釋迦老子卽今在什麼處若道  
別法無一相還委悉麼設或未然山僧不惜眉毛與  
諸人通箇消息擲下拂子云珍重四恩何以報萬年  
松上一枝藤舉臨濟辭黃檗檗云汝向什麼處去濟  
曰不是河南便是河北檗便打濟約住與一掌檗大  
笑喚侍者將先師禪板几案來濟召侍者將火來檗  
云汝但將去以後坐卻天下人舌頭去在師云敢問  
大眾臨濟因甚麼要燒卻黃檗禪板几案試道看若

撰述

懷公居士詩集卷一

道不出聽取一頌男兒志氣出羣孤奚用禪板几案  
塗徹底了然無一物赤口元來吞佛祖喝一喝

上堂登獅子座展衲僧腳爲無所爲說無所說關頭  
撥轉將錯就錯卽此奇人對衆相磕朔風凜凜六花  
飄瑞起乾元地震搖聽且無聲明歷歷視之非狀體  
昭昭擬將物比奚相肖兔角龜毛名亦逃春令冬行  
香襲襲寒梅嶺上吐高高五十一齡前底事翛然脫  
灑賣風騷滿頭白雪穿嵒谷縱有丹青難画描

監院副寺請上堂師云商山無別事雙放雙收疾須  
彌撞木鐘海底吹鐵笛趙州壁上挂葫蘆秘魔嵒下  
擒木戟東邊向西觀西首從東覲賓主一喝分照用  
兩不立一對無孔錘要打天邊日拈拄杖左右召云  
敢問大眾且道如何是照的之旨黑漆桶邊開正眼  
看取冲霄雙鳳兒

退院上堂云纔方中秋節又是九月一菊花香正開  
行人何太急惟有木上座豈受春秋逼夜半木人穿  
靴來天明石女戴帽去住卽印去去卽印住住來不  
以相彼此印無心所謂無邊刹境自他不隔於毫端  
十世古今始終不離於當念動若行雲止猶谷神遂  
喝一喝今日與麼告報還知商山落處麼若知老僧

慨述

一 樂府詩

解下腰包炊無米飯煮木楂羹與諸兄弟結冬其或  
未知柱杖橫肩不顧人直入千峰萬峰去復偈云數  
季結構商山寺瓦礫番成釋梵宮今日功成何處去  
芙蓉劒閣弄清風

昭覺首座寮元曰秉拂上堂問如何是紅爐中句子  
師云風暖鳥聲喧進云如何是髑髏裏眼睛師云日  
高花影重進云如何是枯木裏龍吟師云覲面爲伊  
通問年年歲歲與今朝且道今朝事若何師云長松  
千尺明如画進云覲面一句作麼生道師云曲澗清  
流儼似琴問元旦禪貞卽不問的相承事若何師

云木鷄啼子夜進云恁麼則芙蓉城畔斬新令萬里  
謳歌一曲齊師云劒狗吠天明進云卽今眉毛挂劒  
又作麼生師打僧喝師亦打乃云太古雄風歷歷張  
彌隆宇宙露真常時當元旦開昌運天上人間共舉  
揚第一義諦輕漏泄德山臨濟捉敗賊木人搖動廣  
長舌說話無私濟大方復舉青原思和尚問六祖當  
何所務卽不落階級祖曰汝曾作什麼來思曰聖諦  
亦不爲祖曰落何階級思曰聖諦尙不爲何階級之  
有祖曰汝旣如是吾亦如是善自護持師云檢點者  
兩箇漢大似將對行家各持一口寶劒向階級不立

撰述

一

懶石聆禪師語錄

三

處平地喫交沒些奇特直如今日秉拂陞堂祝國  
一句又作麼生爐焚柏子無窮盡願祝

皇圖萬萬季

小參云者箇怪實頭八面玲瓏包羅天地有萬物  
一齊收須彌頂上獨步踢翻海月一鉤或時撞入鬧  
市又在糞掃堆頭騰今耀古不逐春秋無端卻被一  
箇無鼻孔老漢以龜毛拂一擊擊出走入靜明院裏  
與諸公作箇保頭卽今不惜眉毛憤力一槌粉碎迸  
出無量大寶光吞羣象氣絕諸塵未審衆中有領略  
得出者麼三條椽下七尺單前卓卓提撕看是甚麼

### 懶石聆禪師語錄卷第一

嗣法門人海瑞錄

小參

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

小參云有問有答撒沙撒土無問無答爭見親疎且道問卽是不問卽是今日是三十明朝又初一箇事本尋常日月如梭急明從暗生暗從明立正恁麼時明暗不相關佛祖覲不見有時橫遍十方有時一毛上立惟有者箇東西不受寒暑蒸炙驀拈拂子云此是拂子那箇是不受蒸炙的

小參僧問開眼見明合眼見暗遂振身云卽今是明是暗師云明暗俱不到僧擬議師打問兩頭俱坐斷中間事如何師豎拄杖云拄杖子長七尺乃云十一月十四日無孔鐵鉗當面擲露柱燈籠暗商量金烏

玉兔追不及追得及堪與吾宗作苗裔

師誕小參云躍躋跳乾坤白海底蛟蟆吞却鱉須彌頂上浪滔天虛空眼裏著生鐵森羅萬象體完全大寂定中風烈烈威音已前是今朝盡未來際元同一漆桶何故兩頭封不向人前通口氣通口氣金剛嚇得白汗滴

小參僧問除卻色法一身請師別通一線師蓦面一唾僧禮拜師云老僧道甚麼僧擬開口師便打問十方同聚會箇箇學無爲此是選佛場心空及第歸師便打乃云父母未生前一著遮天蓋地無名字削出

撰述

蘭石齋詩集卷二

懷中一點青白雲額上烏頭子雖然換却面皮來鼻  
直眼橫原是你

出隊歸小叅春風逐隊過天街梅粉桃塵眼自開好  
箇撓先一著子幾人折得此枝來

小叅僧問一段春風含玉面直指圓明意若何師云  
春色滿園關不住進云恁麼則人人共唱無生曲箇  
箇俱彈不響音師云恨無接拍者問百日將畢因甚  
者著子不明師伸手云還我九十日飯錢來僧固措  
師打問昨日桃花紅今日李方慾如何是衲僧臨行  
句師云常憶江南三月裏鶼鷀啼處百花香乃云春

烟花木秀鳥語頌新詩視聽渾無二佛祖不動知如  
何是不動知正是諸公舉措底

性聰居士爲夫君請對靈小叅師豎拂子云片片紅  
霞浮野水稀稀烟樹挂斜陽碧蟾蛻去黃金殼徧界  
分身不覆藏然道不虛行觸事而真法本無私遇緣  
卽應天空雲淨洞徹孤明真常流注亥古至今絕玄  
絕妙何疎何親於此悟得三週已前不曾生水向石  
邊流出冷三週已後不曾滅風從花裏過來香只如  
正當今日事作麼生眉毛長三寸鼻孔濶一丈所謂  
盡法界身本無出沒大悲願力示現受生乃顯諸佛

之境界直指衆生之悟門是故居士向清淨心中發起一念於家修建佛事殊勝良因酌水獻花堅請山僧舉揚此段因緣欲令夫主劉公頓脫無明之鄉超生淨界竟承善力來山僧拂子頭上現大人相眉開八字出廣長舌與合道場人朋友弟兄妻兒子女共話無生以拂子打○相云正與麼時逍遙一句作麼生道長把一聲歸去笛夜深吹過汨羅江

誕日小參僧問今夜清風伴明月來朝萬象側耳聞如何是的意師云木雞啼子夜進云與麼七縱八橫去也師云芻狗吠天明僧喝師云且道山僧卽今

在什麼處僧又喝師云轉見不堪乃云二十五日已前虛空包不住深深海底行二十五日十方俱坐斷縱橫不起高高峰頂立正當二十五日十方俱坐斷縱橫得自由商山與麼道衆中還有氣不甘的麼又且如何於斯悟去便知商山立地處其或未然好向四威儀中閒忙動靜時忽然覩著也未料久立珍重

祈嗣小參云天空雲淨水碧山青木馬嘶風麒麟笑月亘古亘今光明烜赫清涼世界翻身火雲堆裏吟咏驂拈拂子向空召云世欽孔居士當陽示汝親妝拾紹裔他年著眼看復偈云異種靈苗英秀哉蓮華

一 楊柳子詩集

一 楊柳子詩集

舍宅一枝開香風八面殷重護瓜瓞綿綿遍九垓  
追嚴小參云今朝八月十九日輪光中垂手指出妙  
奢摩它竟入樂邦國土然則生亦何曾生歟亦何曾  
歟生歟之機水結爲冰冰釋爲水水體舍月月能印  
水水月體同非彼非此以杖指枢云大衆向者裏委  
悉得便知濟民周居士於此關頭現清淨身爲六親  
妻室兒女說法了也設或未然更聽一偈微塵國土  
演真乘聽者人人悟自心妙喜界中不肖住蓮華影  
裏任縱橫

### 廣錄

師落堂云攢單過夏原爲生歟二字不是徒挨日子  
貴在猛省家私驕豎拂子云生也作麼生明復放下  
云歟也作麼生知歟處旣知生處亦明生處明得卽  
無生歟處知得亦無歟旣無生又無歟謂之真常流  
注不生不滅體也故曰生滅滅已寂滅爲樂非二乘  
斷見也勉旃

示衆舉圓悟和尚云今日風明日風陣陣不從他處  
起三日雨四日雨點點不落別處去師云且道落在  
什麼處復以拄杖打地云月冷魚寒江不白絲和霧

撰述

佛經譜錄卷二

## 曠最高岑

參禪無別事只要生死契鑿豎拄杖云撐天并拄地  
廓落無依縱橫十字古云欲識大道真體不離聲色  
言語若離聲色言語那箇是大道真體呈杖云者箇  
是拄杖子如何是大道復喝云者是聲如何是體舉  
措合不得辜負靜明清水白米參

入堂云天寒地凍雪霜濃世界山河竅不通靜明兩  
堂禪和子不是人間瞌睡翁

晚參雪印山頭白寒操木葉疎體露金風也切忌浪  
規模復云古人道不是心不是佛不是物三處總非

你衆人作麼生趨步盼上座不惜口業爲伊下箇註  
脚不是心八兩原來是半斤不是佛秤錘從來是鐵  
鑄不是物雲從龍風從虎頌曰非心非佛又非物蚯  
蚓觸折崑崙背大海波濤浪潑天要且不是龍王力  
茶次師云冬行春令徧天涯歷歷長空擁六花夢裏  
分明無黑白寒風凜凜絕週遮

茶次舉趙州問新到僧云曾到此間麼僧云不曾到州  
云喫茶去又問一僧云曾到此間麼僧云不曾到州  
云喫茶去師云既是不曾到爲甚麼亦喫茶去就中  
有此子諸訛良久云喫茶去

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

臘八晚參僧問如何是形中影師云靜明無祭鬼神  
茶飯進云如何是影中形師云直截根源說與君問  
閉關人自纏自縛師云雨洗梅偏嫩乃云適纔釋迦  
老子聞鼓聲同衆入齋堂喫茶來也良久云釋迦老  
子被山僧拄杖子吞卻豎杖云喚作拄杖子又是釋  
迦老子喚作釋迦老子又是拄杖子畢竟那箇是具  
眼底分疎看良久云人人盡道釋迦覩明星悟道殊  
不知明星刺瞎釋迦眼睛了也卽今懵懵地墮在黑  
暗地獄裏連坐拄杖子跳伊圈續不出遂拋卻杖高  
聲云快活快活拽起歸方丈

示衆云我有一句舉似大眾只是不得錯會衆無對  
自代云你欠少箇甚麼復舉僧參雲門門拈起袈裟  
角云你若道得落我袈裟圈續裏你若道不得又在  
鬼窟裏畢竟作麼生師云你試轉一語看復示一偈  
幾度微來幾度勘手僵腳冷口喃喃輕輕插下無鬚  
鎖沒箇男兒帶鑰還

晚參問如何是一念萬季去師默然僧喝師云好喝  
問微塵刹土卽不問多寶塔前說甚麼師云石長無  
根草進云塔壞時主人公在其處師云山舍不動  
雲僧佇思師便打乃云十五日已前日漸增十五日

已後日漸減正當十五日不增不減遐邇融通光明  
烜赫畢竟承誰恩力

除夕年窮已盡三十日世事人情俱告畢蠟燭流淚  
喜春來打鼓普請點茶去大眾鼻直眼橫歷代祖師  
口挂壁上惟有七尺拄杖子要與諸人入箇室敲露  
柱云入室了也各請下一語時維那奪果子出師幕  
頭一棒歸方丈

落堂僧問丹霞燒木佛意旨如何師云爲寒所逼進  
云院主因甚眉鬚墮落師云失錢遭罪僧禮拜師打  
云還我舍利來僧無語師頌曰無端拽向火爐烹轉

使龐眉爛漫紅烈燄光飛千古意龜毛火後立宗風  
僧參師云是那裏人進云家裏人師云既是家裏人  
好說家裏話家中事作麼生僧無語

佛誕日示衆云盡大地作禪堂日月爲燈炬須彌盧  
爲牀座冰霜露爲食借此受用人天聚會凡聖交  
參森羅萬象是僧是俗是男是女情與無情悉在其  
中縱橫無礙各秉威儀上來下去善得其宜所以道  
是法住法位世間相常住正與麼時內不放出外不  
放入心不緣心佛不自佛超生死根越無明窟瓦古  
瓦今獨脫獨露還委悉麼於斯委悉得去勿勞斂念

而超諸有設或未然十二時中只須子細看者獨脫  
獨露是箇什麼披蓑側立千峰外引水澆蔬五華前  
挂鐘板圓則圓兮方則方輕輕擊著便承當衲僧向  
此若知有豈肯隨聲逐色忙復呈板云見麼擊一下  
云聞麼縱然聞見分明白落第二義諦向未舉已前  
薦得百丈肝膽落在今時卽今不辭拈出揭示堂前  
與衆人眉毛廝結共相竭力復擊一下

坐禪語參禪直透生死關頓盡無明六不刪狗子鞭  
淳休吠艸獮猴捏定息緣攀洞玄寶印貫今昔徹底  
風規絕往還離相離名些子事青山依舊白雲間

供破師翁真拈香云水底月今鏡裏花隱顯都虛毫  
未差惟有師翁慣與麼逼塞虛空遍週遮祖庭秋聲  
震佛日照無霞石女擎茶莫木童披孝麻珊瑚雙淚  
洗艸木一聲嗟商山恁麼道笑殺老玄沙

讚

達磨

坦蕩廓然凡聖除足乘雪葦順風輿西天無地容身  
得東土有人斷臂初背負須彌經歷徧肩挑日月縱  
橫舒無端引得水文布面向山頭石壁居

天童密祖

一恨述

惟石齋詩集卷二

看者郵和尚描又不成画又不像捏怪太白山中獨  
坐靜明堂上捉敗萬千手眼只用半節拄杖銀絲髮  
短鬚如霜千載人天底榜樣

攬動乾元惑亂人意握條短杖佛祖不是慣愛打人  
逢著一擊沒一點奇兒孫遍地且道是誰蔣三樵子  
三大士

三老巍巍冷坐心中沒箇灑落眉毛八字打開麗珠  
光射六合因甚各駕獸蟲爲愛遊戲婆婆全身獨露  
人間一任兒孫貶剝

## 四大士

現身百艸頭輒便松間坐權設地水火風週遊須彌  
海月三十二應橫施八萬四千總握隨機願滿衆生  
逢場作戲灑脫非是神通妙用家家屋裏有箇眉毛  
罅裏懸珠凜凜光寒灼灼

## 初祖

鼓眼寧晴穿耳客廓然無聖見蕭梁機緣未契搖帆  
影折葦航之暗渡江及至九年空面壁安心猶是更  
剜瘡西歸畱下兒孫事皮履花開遍地香  
機緣

僧問學人欲脫生死得何方便師云誰縛汝進云明

二  
棍述

明不覆藏師云頭上又安頭

僧問如何是臨濟下事師震威一喝僧一喝師打僧作臥勢師云拖出者死屍去

僧問如何行如何坐師云行坐也不識僧舞坐具而出師以杖攔云道得卽放過僧回首師便打

僧問天寒地凍卽不問如何是紅爐點片雪師云黑花猫兒面門斑進云雪盡冰消時如何師云不是閻黎立足處僧禮拜師徵云如何是你立足處僧走師便打

僧問本無生滅因甚又有慶師云我卻不與麼僧云

恁麼則壽等南山師云只恐霜花結淡梅進云因師置得師云也是兔子望月

僧問釋迦未降彌勒未生佛法正令委付何人師云閻黎聲僧無語師云又不可承當

僧問佛法世法卽不問如何是脫灑一句師云只須萬里一條鐵進云恁麼則當下脫灑也師便打復頌云千里萬里一條鐵三世如來從此警若是上上出格流轉身定見清風葉

因僧呈女子入定頌師入堂云我有三問答得許頌莫向鬼窟裏作活計問女子入定時如何出定時如

何不入不出時如何一僧出問女子入定時如何師  
云水瀉不通進云出定時如何師云面南看北斗進  
云不入不出時如何師云無鬚鎖子兩頭搖一衆禮  
拜師云也是按牛頭喫艸頌曰瞿曇女子亞郎當使  
得文殊手腳慌幸喜罔明呈拙醜不然猶坐在人傍  
師舉不許夜行投明須到問僧作麼生會僧無語師  
代打躬云恭惟和尙起居萬福

師經行見僧過師曰掉了什麼僧回首師云虛生浪  
死漢又遇僧剝豆師云剝著一粒也未僧無對師笑  
云明明歷歷因甚剝不著僧亦無對師云霜天魚冷

空下釣不如收拾上高岑

頌古

世尊初生

甲冑才披出戰場穿陽七步示英雄疾然把定旌旗  
腳雪嶺六年全大功

淬破鴻濛出大荒賊身已露涉顛狂惡聲雷震猶難  
禁只爲拈花捉敗賊

夜覩明星

堆堆冷坐雪山頭市地寒光射斗牛脫體了無元字  
腳拈花末後引人愁

模述

世尊陞座文殊白槌

陞座老瞿曇文殊把隘關私通車馬客早已犯波瀾  
特地無因登曲彙金鍼暗裏有人度龐乘賣俏強生  
枝卻被東風折倒樹

世尊拈花迦葉微笑

東風乍吐玉叢新滿日青黃萬古春惟有寒梅肌骨  
別撓前一曲占羣英

世尊因外道云不問有言不問無言世尊據坐  
有無不問問來親錯過軒轅鏡裏人據坐寰中懸日  
月黑山鬼窟裏分明

世尊因長爪梵志索論義云云

撥轉乾坤始徹機兩頭脫略勢無依頂門廓出摩醯  
眼斬首酬良徧界輝

請再轉法輪

四十九季說甚麼普天市地盡阿哥涅槃岸上無銅  
鏡千眼文殊沒奈何

殃崛

皇恩大赦自天開歷盡塵埃罪性灰產下靈童肌骨  
秀白花叢裏笑咍咍

七賢女

隨身竿木入雲巢慣弄腥臊污碧霄功德天與黑暗女昂然截斷兩頭搖

女子入定

入定出定失卻本命若遇靜明劈脊一頓何故老僧如此要且無出入分

若能轉物卽同如來

若是如來能轉物大千世界眼中出遮那妙體廓周沙一切聖賢如電拂

吾不見時何不見吾不見之處

山空水空人亦空了無一法露形踪返聞聞性自空

寂倒騎木馬隱芥中

若能推者卽是汝心則是認賊爲子修山主云若能推者不是汝心亦是認賊爲子

錯錯錯是賊是子是心不唯有靜明不恁麼喫飯穿衣伸腳臥

盡思共度量不能測佛智

如何是佛智圓通無比量熱則便乘涼寒則燒火向凡所有相皆是虛妄若見諸相非相卽見如來諸相非相卽如來正眼從茲觸處開百艸頭上祖師意當時靈照見曾來

金襴付外別傳何物

金襴付外復何者弟應兄呼意轉賒折角泥牛沉海底  
刹竿倒卻月生牙

文殊令善財採藥

陰陽不屬一枝艸度與文殊光皎皎殺活機先病已  
除偏空偏界誰能保

般若多羅尊者因東印土國王請齋次問如何  
不轉經云云

風清月泛白雲香一句明明轉大方陰界世緣俱不  
涉休將文字亂商量

善財參德雲

妙峰孤頂碧雲層七日周旋覓所親想極妙明生閃  
電信然添得眼中塵

少林面壁九季得二祖傳法

九年少室掘坑埋花不逢春不亂開卻被乞兒傳令  
去山前嶺後走枯骸

隻履西歸

竺乾華夏露鍼錐繡出鴛鴦隊隊飛未盡偷心葱嶺  
去空留隻履訛梁魏

慧可禮三拜依位而立祖曰汝得吾髓

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

提述

佛石禪師語錄卷一

無言三拜禮胡爲全口親宣得髓皮致使而今流未盡腥羶氣味滿東隅

### 斷臂求安心

瘦骨雪霜立少林夜深寒色月相親徒勞斷臂心無得醒卻華胥夢裏人

### 跋陀那入浴忽悟水因

觸著磕著冷水裏坐月現澄潭將錯就錯

### 三祖懺罪

通身是也徧身是罪性公從何處覓清靜妙常覩體彰癡人卻被瘋烟逼

### 覓罪不可得

彌天彌地罪難描盡法無民憲自消當體全空瘋恙息虛空吐出一莖毛

### 六祖風旛

不是風兮不是旛從來北斗向南看虛空不許栽荆棘鐵甲將軍已過關

### 栽松道者

栽松道者解翻身換卻皮毛紹祖燈衣鉢得來傳底事黃梅山冷月三更

### 南嶽讓禪師

1 2 3 4 5 6 7 8 9 10 1 2 3 4 5 6 7 8 9 10

說似一物卽非真，乾坤翻作破沙盆。  
無私托出人前立，直指兒孫棒打人。

馬祖三十年不少，  
日上鹽醬

簸箕說法不思議，盛滿高堆鹽醬汁。  
若箇衲僧霑著唇，眼睛鼻孔解通氣。

百丈野狐

不落不昧舌頭粉，碎野狐脫卻失錢遭罪。

臨濟喝

埋兵奪陣最英豪，一喝衝鋒計太高。  
偃艸橫屍腥萬里，還鄉衣錦坐當朝。

兩堂首座下喝。

賓主歷然一喝中，牛頭馬面疾如風。  
舌尖無骨閑狼藉，古佛堂前雙鏡空。

雲門

佛身無爲不墮諸數大小雲門棒頭何措捏，聚放開。  
青霄獨步喚匹上有餘匹，下不足。

乾屎橛

問佛如何爲舉揚肥從口出臭難當，而今四海流不盡付與森羅萬象彰。

東山水上行

風月蘆花卽故鄉從來徧界不曾藏東山水上波濤  
起不犯清波事渺茫

德山棒

啐啄同時活大機當頭一棒絕支離明明伸出巨靈  
手萬里擒拿水底犀

德山托鉢

爛嚼虛空出法堂盈門凜凜朔風狂低頭托鉢歸方  
丈何必區區論短長

柏樹子

古佛天然全義氣庭前柏是西來意舌頭吓碎見鋒

鉄殺活阿師卽瞥地

鴻山水牯牛

不是鴻山不是牛辰星日月盡包收天然迥出兩頭  
別自有風流百不愁

香嚴擊竹

峰頭活計鑼鋤烟擊破重關萬象閑果日當空明的  
的倒身三拜禮鴻山

南泉二人參忠國師於半路便歸

青山綠水雨風篩三箇奴郎入路岐十字街頭機太  
露拏雲攫霧轉身時

一橫述

## 布袋和尚

遊戲街頭十字打開布袋底事逢人大笑呵呵天地  
盡在裏許

## 光帝幞頭

安南塞北得珍還故向人中索價錢撞著知音無少  
欠收歸領下化風前

## 陸亘大夫鑄佛

有名無相者尊佛坐斷乾坤背脊骨得與不得人飯  
依轉身突出遼天鵠

## 甘贊行者

鍼鋒挑起箇知音訥訥無言意更深刺得老婆水漬  
漬孩兒舌上血淋淋

## 靈雲桃花

春風昨夜弄桃花驀遞香來鼻孔賒不謂靈雲親見  
得至今流落在天涯

## 本來面目

本來無面目面目不本來叫呼聲未絕當人出鬼胎  
主人公

渠無國土住無心生鐵肝腸冷似冰兩道眉毛懸額  
上十方塵刹露全身

十字上画一圓相於中趺坐

當頭坐斷千差路不許絲毫犯著他若是英靈出格  
漢慣於此際演三車

皮袋一靈一靈皮袋

填溝塞壑無人問野干狐狼未肯休捉敗山前千古  
月寒光迥迥射陵丘

正恁麼時

踢破金烏海底行轉身踢倒鐵崑崙虛空蓋覆無蹤  
跡布帛清風滿地生

拳頭

一拳拳碎破虛空七叉八篆走芥中少室九季猶不會怎如  
劈面獲圓通

一六開天二五成性

匹馬單刀六合分百千利海盡投臣倒盜卸甲舍元  
殿四海歌謠奉至尊

清淨行者不入涅槃破戒比丘不入地獄

踢倒嘉州石像掀翻陝府鐵牛天堂地獄何在秦漢  
要且不收

枯木倚寒巖三冬無暖氣

寒巖枯木未逢春隔岸靈芝意更深喜氣滿懷全體

撰述

## 露風流一段付江濱

因地一聲

逼塞乾坤一禍胎此聲因地迅如雷皮毛著上呵呵笑哄得爹娘誇儂哉

舉如玉禪師問僧如何是佛僧曰爛冬瓜  
金毬輾出紫烟霞百萬人天費爪牙忤逆兒孫拈弄  
得逢人只當爛冬瓜

## 拈花

須彌峰頂一枝新格外馨香遞與人不是飲光多義氣阿誰獨占上林春

## 黃龍三關

我手何似佛手鞭撻驁奴癩狗拈起鏡裏花枝抹殺古今無有

我腳何似驢腳踢倒山川海嶽徧界渾無一塵處處清風明月

人人有箇生緣臨機色色現前輸他萬象精明光照唐土西天

生緣佛手驢腳一段風流不錯拈起靈山爛艸根神頭鬼面都穿卻

## 庭前柏

庭前柏子勢冲霄  
霧砌烟含色更嬌  
孤勁節操風味別  
月明簾外奪高標

不放逸

眉毛嘶結箇凝猜動靜閒  
忪解不開鼻孔眼兒出得氣  
石頭瓦礫歎奇哉

瞞八

雪嶺幽棲午夜殘通身卓豎骨毛寒  
眸開頓破千尋霧忽覩明星被熱瞞

法派

覺性元清靜洪明智慧深玄微崇濟法果證了無生

尋牛

牛兒原在此高峰色影逃封不見蹤翻覆幾回尋未見  
卻緣身在玉叢中

見跡

水窟山處日紅東蕩蕩悠悠信不通忽地裏逢新印跡應知牛在縱橫中

見牛

多年不合受人降頭角撐撐劣性狂日日見伊侵水艸鼻端惟欠一條芒

得牛

撰述

懷古集詩金卷二

十二時中勿妄求殷殷調伏此頭牛風簾雨笠橫牽  
出蹄步輕清水艸周

## 調治

不隨景象亂生涯一點渾然天地家嫩艸藤花烟外  
落松濤施柳月明斜

## 驅歸

收拾鞭繩下艸萊一聲短笛暮雲開牧兒騎上歸家  
去一枕風烟萬象來

## 忘牛存人

雨笠風蓑挂壁間每隨新月枕幽闌雲來雲去空蕭

索百億山河取次還

## 人牛雙忘

真風無相立何中一法空兮萬法空寂滅溪頭泉眼  
活寒光迥迥鏡圓通

## 返本還源

趙得源頭句不違四方八面總皆非百十三昧毫端  
上秋水長天一色輝

## 入廬垂手

扶桑日出海門東妙用全施不記功要與人天開正  
眼塵塵刹刹盡圓融

漁樵耕讀

每入烟波駕小舟虹霓抖出月爲鉤風清浪裏乘斯  
興釣盡金鱗始便休

民世樵歌曲調高丁丁伐木破雲巢藤花屢路香人  
鼻挑向街頭價不饒

活計生涯出當家翻雲鋤雨種梅花野田不許栽荆  
棘倉廩惟收谷口霞

天大生來紙一方山川艸木盡文章長星短宿題高  
上風月常金字字香

懶石聆禪師語錄卷第二

懶石聆禪師語錄卷第二

嗣法門人真蘊錄

行跡

一日衆入方丈請師行實師曰吾本蜀重慶忠州人  
父姓張母趙氏夜夢吞月覺而生十二歲夢感投師  
雍染方廿歲痛念無常迅速生死事大若不明了出  
家奚益發足初參象崖和尚受具請益命看萬法歸  
一歸何處話抵死參究觸境逢緣漸覺工夫疎塞  
做來做去忽一日不覺身心世界渾然虛豁豁地如  
青天霹靂心中似有一物從脇下被人抽去一般甦

醒將來虛空大地日月星辰森羅萬象蜎飛蟻動情與無情人非人等俱在一毫頭上煥然等現斯時心生慘怛不覺涕泣值挂入室牌予禮拜師舉世尊拈花迦葉微笑汝作麼會予曰用會作麼師云世尊不拈花迦葉不微笑汝又如何予曰兩眼對兩眼師云拈花微笑之後又作麼生予曰赤心片片師連打予連喝師又打予拂袖便出復呈偈曰根源盤自威音外穿過髑髏花正鮮不借東風些子力香風襲地燦驢年師看過打一拂子予一喝師休去侍師五載後參破師翁侍立次一僧請開示翁云此事如明鏡當

臺漢來漢現胡來胡現予聞悚然汗出偶說偈曰吾有一句冰霜皎日殊相劣形寥落空寂翁云那箇是汝空寂的予一喝便行後因師翁命本師上天童掃塔予隨侍至漢中府靜明寺適結制安維那一夕同衆在方丈立師舉韓愈叅大顛擯首座公案你諸人作麼生會予與師一掌師上下覷予曰者老漢啞卻口那便出師拽杖隨追予先至法堂打鼓衆集師落堂云且道老僧適才兩覷是甚麼意旨予復兩掌被師痛打一頓因受源流拂子予固辭某是何人敢當此任且德薄行微兼鮮學識和尚如此豈不取笑諸

方師云收取住山去他日自有別寶波斯予不得已  
向前禮了九拜至今懊悔錯錯錯今日無故不覺忉  
怛播吾平生之醜玷污諸人耳目雖然如是且道適  
才三錯是何意旨衆禮拜師云錯

法語

索我臨行句胸中無一字寫出不成文念來非有義  
弗是妙蓮華亦非祖師意持去見諸方眼底生荆棘  
不善打葛藤慣用吹毛利若作言句親失卻自家事  
老僧與麼說汝又如何咶個中本尋常從頭須子細  
文彩未彰前十有九不契靜明鐵蒺藜一恁汝啗啐

忽然唼破時方敢請棒喫

禪不須參道不須學盜底筋頭多脫略歷歷騰騰耀  
古今林林總總無拘縛碧眼胡僧難摸索蟻螟眼上  
三隻角

此事勿論上智下愚務在當人信得及把得定看個  
如何是諸佛出身處又云東山水上行意旨如何試  
猜猜看與麼會得三世諸佛借伊鼻孔出氣歷代祖  
師共汝單上橫眠設不爾者幸負行腳

書

復了庵劉居士

承索便面以質之之語山僧到者裏恁麼也得不恁麼也不得恁麼不恁麼總不得何也若謂有喚甚麼作主人公若謂無食瓊瑤粥的是誰認則眼中著屑不認錯過了也請老居士兩頭撒開中亦不立直下與麼道將一句來方敢定奪呵呵

復月幢法兄

懸寶鏡於千峰之外洞察幽微展慧劖於亂煙之中削塵顯密扶破沙盆斬新條令移風易俗大化羣迷非凡力量而誰爲之弟才鄙陋德淺行微謹守楣柂以待天年何期一旦光射昆明愧之不及忻躍焚檀

稽首致謝

佛事

徹空火以火炬打圓相云徹空徹空南北西東渾無一物布袋裝風打底一著手把虛空攏火炬云徧界琉璃含寶月照破雲山千萬重

悟空火悟空不空雲月是同心無定止界有西東適來快活無處不通助汝一把無明火燄光騰處脫樊籠

爲野哲禪兄起龕以杖敲龕云藕斷清今絲一斷光前裕後門外看而今移入東風裏大丈夫兒得自便

舉火云哲公哲公來時無口去亦無踪非出非外塞  
滿虛空得大自在獲大圓通船子一脉獨肖其公卽  
今奉上一把火燒得須彌走芥中

芥山維那火凝然湛寂雪霜濃一芥之山內外空鐵  
鵠冲霄藏北斗更於何地振宗風大眾還知此公去  
就也無擲火炬云火裏蓮華千萬重信之無礙一光  
通

辨通蒙堂火呈火炬云火雲堆裏解翻身撞倒須彌  
影不存六月半空飛片雪十方刹海冷如冰擲火炬  
云臨行相助一把火送入金剛山更深

爲藥山律主起龕以杖擊龕云點著觸體眼虛空轉  
落落觸碎鐵蛇關通身無繫縛試看彩雲外火裏花  
灼灼

舉火云老漢生平百十三徧觀山水債已完而今兩  
腳稍空去慧劍揮空不等閑以火炬打圓相云只向  
者裏端然坐無邊刹海戒珠園

爲灼然火灼然灼然充塞大千去來無相生滅何關  
甚處著腳雲月溪山擲火炬云助汝一把無明火送  
入蓮邦絕聖胎

爲醉月直歲火執役叢林千古榜樣撒手便行衲僧

氣象喚東風昨夜嚷如麻及至曉來落一花試問閻  
黎何所事渾身是月照天涯

爲南天起龕師以杖擊龕云金風撲地吼南天折腳  
東籬沒半邊驚起鶴鵠何處立去來只在縱橫間霜  
花滿地無人掃處處冰心淨月圓

舉火以炬打○相云者個東西皆本具臨頭因甚不  
親識灼然個裏薦承當跨鶴冲霄白滴滴髑髏粉碎  
一座空地水火風誰收拾雲邊鐵鵠過新羅火裏木  
鷄穿破壁妙應叢中不肯住五蘊峰前堪遊戲與麼  
無去亦無來無去無來汎蹤跡竄下炬云老僧助汝

者些兒般送金剛寶蓮地

無鬚鎖

活鱗玲瓏心眼通郎當廓落振宗風乾坤世界都關  
卻惟露中間一段空

無孔笛

非短非長勿舊新頻吹清韻令人聞聲和萬籟鈞天  
樂驚惺昆池月一輪

無底爐

永劫修持穩柁機片帆時挂霧同飛逍遙且遜清風  
力明月蘆花滿載歸

無根樹

雨灑風吹葉不絲挺然卓立過須彌通身是個光明  
藏洞徹坤維萬象枝

無底鉢

個樣團圓未宰功持來衆裏萬人欽頻盛世上鐵釘  
飯供養十方羅漢僧

無絃琴

赤手攜將月下彈五音六律最清宣坐中誰是子期  
客聽取無腔聲韻傳

無底籃

難堪秀器自成家裏面能盛死活蛇擲向街前人弗  
愛嘶風注雨月節華

無孔錘

硬似泥團軟似鋼轆天輶地勢難當拈來安置溟雲  
上電閃雷轟震大方

無星秤

赤體條條絕點霞洞山曾式三斤麻鈎頭分兩全拋  
出得意人人善作家

無縫塔

東西南北見陶然瑞起瑠璃寶月圓意氣弗從天地

撰述

情石齋詩集

得不歡欣處也忻歡

十二時歌

鷄鳴丑衲被蒙頭齁鼾吼手執夜明符半斤森羅萬象顛倒走

平旦寅山青水綠碧烟沉雲門調子新豐曲只此臨機直指人

日出卯現成公案勿尋討孤明歷歷萬機空曾不於中弄尖巧

食時辰無住廓然誰不親爲索金牛桶底事著衣持鉢入重城

禹中已縱去奪來頻遊戲打著禾山破鼓皮成家立計固無必

日南午信口道今信手舞百草頭邊略較些莫教錯過西來祖

日昳未六陽花下何堪醉半乘烟浪半乘虛吹起冲霄個鐵笛

晡時申衲子穿雲來問津彈起琵琶操古調高山流水少知音

日入酉千妖百怪蒙頭走金剛腦後念摩訶自家個兒也沒有

撰述

佛學圖書卷之二

黃昏戌落落零零是何物鐘鼓喧揚六國聞單剩三  
間破茅屋

人定亥行腳多年無被蓋清冷冷地沒些些駁軒不  
向人間賣

夜半子壁疎屋角曉星起開眼瞼昧露本真枕子翻  
身笑不已

### 宴坐

心空體寂固靈虛萬象交羅本自如洞徹玄微岐意  
絕明明皎月落天湖

### 入室

欲叩明師破暗關臨機貴在絕情緣當風雪刃才挨  
著死活雙忘脫苦酸

### 普請

梆聲未絕力行先惟恐行門功弗全般若無方隨所  
應搬柴運水處須圓

### 經行

倦來何事且畱神散步林泉石上行個裏些兒如踢  
著無生曲子調高吟

### 誦經

跏趺對月歷三更靜誦空王無字經萬象森羅齊側

一  
模  
述

耳烹茶石女甚慇懃

## 禮拜

掃室焚香禮拜勤歸投句子業消冰猛然磕破髑髏也獨露堂堂無一人

道話

一度相逢一度親無心話道道孤明了然直下超方便耀古騰今舉世聞

焚香

煙清火瓦一爐香靜裏常焚日月長萬象森羅聞見盡須知紅燄裏頭藏

掃地

箒柄聊舒風若神微塵刹海淨光生石頭瓦礫含諸象互古園明質本清

運水

一滴水兮一丈波當然泛泛滿江河老僧今日生涯別拈出令人止渴多

搬柴

閒來無事到雲林肩得寒嵒樹一根歷劫及今煨不分燈騰騰光燄灼乾坤

撰述

# 橫眉海瑞

黃梅峰頂漏三更衣法雙傳月下行石上標宗千古  
印層層慧燄續賢英

自覺書恆

驀地相逢不露踪搖風擺雨十方空親拈示汝龜毛  
拂他日昆池點化龍

一休性品

毫端拈起疾如風絕相離名迴不同萬仞峰頭剛獨  
步逢場處處演吾宗

雲崖明峰

英豪氣岸兩頭脫柱地撐天活鱗鱗卓向雲深百尺  
崖有時龍化濟人渴

恆念道富

拈起木叉體相圓頭頭法法慧光寒赤心片力荷擔  
去白馬蓮城繼後傳

止鏡真蘊

法本無心心本法無心本法法無無心心付汝無心  
法法法心無空佛祖

次韻

虹霓爲線月爲鉤釣盡江波散漫游海底寧龍剛出

橫述

## 戶長空獨躍占雲頭

中秋

靈山話月落人間爭似靜明今夜圓惟冀諸人高著  
眼等閒錯過也徒然

山行

閑來信步遶山回日暖風和出翠微抖擞多季陳破  
衲簾移片片逐雲飛

辭衆

霜天雪夜雁南飛九萬搏風羽翼垂回顧一花紅灼  
灼信然鐵笛逆風吹

偶

呈雙桂破師翁

聯不成兮撥不開成團作隊漢江臺終南山頂月中  
桂不是師翁親手栽

聞師翁訃音

違座南濱二十秋快人肝膽解人愁而今幸得安平  
貼又謂西行征戰遊

示橫眉禪人

化日舒長春正融亂雲深處豢獮龍嘶風喚雨操其  
節幾帶雷音吼太空

示如是禪人

如是住時如是作四威儀內看心牛忽然看破看的  
個耕徧雲山志不休

示密旨禪人

大地撮來如粟米明明不悉爲君舉直須猛省吞卻  
去唼碎囫圇是密旨

示懶參禪人

冤有頭兮債有主靜明鼓笛誰爲伍老僧撥轉上頭  
關韻出清音契太古

示止鏡禪人

爐頭佛法聽無言作箇忘機混沌禪古鏡卽同火爐  
闍祖師心印爲親傳

示非指禪人

臨濟家私夜不收尋常高挂白雲頭當機一喝知音  
少領略還須佛祖儔

示一休禪人

覲面全提是甚麼阿誰直下得擔荷人前莫把風規  
露且向碧雲深處坐

示劉居士

老僧無法與人傳無法無傳透祖關石女夢回機太

撰述

懷石齋自定詩集

# 活手把瑤琴月下彈

示張居士

歷歷分明無錯謬  
提弓把箭是誰能  
當風疾展金剛劍  
鬼面神頭裹膽塊

示行腳僧

富貴不貪衣糞草  
心頭絕慮無煩惱  
當求出世超凡士  
母作叢林嘗飯保

示醉月典座

從來務下合如常  
久歷雲厨粥飯香  
木杓笊籬齊合掌  
金牛飯桶句重揚

上只恐霜花笑寂寥。

寄玄素法住

五龍瑞氣接天池  
點滴藏鋒不露絲  
只待風雲雷雨作  
乾坤黯黑用全施

寄石龍禪師

清河話別已多季  
幾跨須彌躡大千  
諸子案頭譚不二  
癡人繇認井中天

寄雲巢

忽地相逢又別離  
水山窮處看雲飛  
五龍峰頂三更月  
影落曹源任指撫

橫述

懷石禪言卷之三

五

# 見僧頂箕雨中行

簸箕戴在僧頭上恰似將軍出戰時手裏雖無二尺  
劒衝風直入始爲奇

# 寄甸舒弟

高提祖印踞滇南一鏃當風用在先捉得新羅鐵鵠  
子畱將千古繼宗傳

# 送枕石弟歸楚

羨君乘興去陞山楚水江頭把釣竿奪得驪龍珠一  
顆孤明迴迴洞人寒

# 白塔子

誰將玉管豎東臯半臥江干洗兔毫驚起魚龍奔上  
下墨花隨影點天橋

# 靜明塔

卓立無私萬古存撐天拄地倚雲門長安風月惟君  
壽架海金梁柱一根

# 豎旛竿

刹竿頭上仰蓮心見者應須著眼青弟應兄呼傳底  
事靜明今日又重新

# 雲霧山

千峰挺出越紅塵峭拔孤峰繫緊白雲月過西巖風凜

凜藤床竹榻冷光生

壽南溟

歷徧阿僧祇劫來何今日爲初度真風永扇芥城  
空不受陰陽花甲數

壽一休

端陽烈燄引清風一點靈花爍正紅處世節操塵不  
染驢年香噴地天中

補窗

剪雲補個破虛空幸得無痕縫不通沒量大人頻踞  
地孤明千古縱橫中

賞釣

絲綸初展漢江頭徹困金鑊水上浮香餌時餚幾磬  
命清波不犯五湖秋

風鈴

風吹鈴鐸響雲中鐵鶴流星過海東見者心竚聞者  
衷木人隊隊舞寒空

聞讀

一字疏通爛葛藤百千妙義此中存不須點劃分權  
實清淨本然法上塵

野宿

山寺晚風遞遠鐘漁燒新火滿江紅松巢鶴醒驚初  
夢啼上枝頭月正濃

秋日

人人有月性天週莫向中宵外妄求不信但看跟腳  
下孤明歷歷照瓊樓

峨眉

頻遊駕象獲圓通影現峨眉七級中萬億河山留不  
住爲憐普眼處相通

夜聞

夜清何處玉簫森按指聲驚木偶人吹去旻天雲散

盡珊瑚枕上月華新

藤橋

布水攬雲也怪哉溪頭抱日結良胎度驢度馬奚終  
用自有擎天一段才

登眺

重陽九日忽登樓四顧烟波一目收唯有就中些子  
別菊花原要倩誰酬

佛誕

倒騎香象降王宮足底蓮生八面風頂上圓光輝萬  
國徧虛空界不金容

撰述

## 偶成

商山野老弄春風鼓動昆池魚化龍霹靂聲驚三峽  
水和雲合雨釣江東

## 風颺

者樣東西怪又癡麻纏紙裹逐風吹單絲繫著懸空  
上大似流鶯戲小鶪

## 上梁

雙日雙時雙鳳朝東西南北碧雲高人天剔起摩醯  
眼試看雙龍挂九霄

## 除夕

井市堆頭一歲除荆門處處貼新符火花炮響迎佳  
節破我禪心德不孤

## 示衆

夜來明月挂中天立坐都盧毛骨寒拈出無生切要  
句臨機錯過話頭難  
無地卓錐不惜貧傾腸倒腹爲諸人瑠璃撲碎還如  
故八箇那吒提不行

尋常只把話頭疑疑去疑來疑是誰疑破自家疑底  
個始知甕裏有風雷  
月滿霜籬僧滿堂家風平貼耀心光老僧說法機緣

別不打前賢爛葛椿

眉毛丁結不容情意識心緣一并傾剔起金剛正眼看急須覲破覲的人

僧滿禪堂月滿籬家風峭隱鳳龍獅腥羶氣味薰天地不是苦心人不知

不枉靈山付囑來心華燦燦信然開斗光植就金剛種結個驢年不朽胎

不枉靈山付囑來高提寶印向天開逢場作戲須當薦刹海無邊總是胎

不枉靈山付囑來宗風初展少林開神光斷臂安心得後始覺從前錯認胎

一葉香殘一度秋蟬鳴老樹碧雲流西風亂吐黃金色月上疎林幌玉球

入滇

千木隨身七七季頻敲風雨入雲深而今靠在禪牀上鐵額銅頭心也酸

因事

羨君伶俐逞聰明笑殺東京一夥人設犯那羅延箭毒恐伊性命卒難存  
堪惜盲人癡更癡心生花巧日增奇堂堂大道何曾

撰述

卷之三

悟鐵棒敲醫悔莫遲

本傳

因事

始興縣領小兒頭

木頭父子卒遇趙過兩入秦而今去歸鄉

入山

金州王城

懶石聆禪師語錄卷第三

懶石聆禪師語錄卷第四

偈

佛誕

嗣法門人真蘊錄

夙乘悲願信風吹駕日香輪倒一披肘後靈符催五  
濁額懸寶印洞千扉伽陀一吐驚羣瞻捏怪拈花剔  
兩眉且喜兒孫根性別生涯猶落箭鋒機  
盡十方界不通風踢碎渾淪降飯宮吐水九龍天外  
至蓮華七朵地前湧指天指地成漏逗誇勝誇能犯  
舌鋒一度一年此月日兒孫冤債報奚窮

聞破師翁入渝

適乘水月宿蘆花榔釣風高興轉賒一帶秋波翻玉  
浪數千紫氣遶晴霞漁舟泛泛絲絃動劍閣飛飛毒  
鼓檻欲使中華歌古調憑空推出海天車

哭破師翁

翁逝高梁法棟傾錦江半壁月濛清風規零落龜毛  
拂法範罕逢免角生照世祖燈收慧燄輝天佛日愈  
沉平兒孫媿繼雙林嗣慘戚傷思淚溝襟

祝本師和尚

峨眉脩月洞三秦五十於今已二春玉塵撞開山顯

秀金鍾拈處海翻身慈風博大過先德慧日高懸燭  
舊新夙願乘悲臨彼嶠爲憐浮世渡關津

上難髮師翁

二十季來幾琢磨烽塵幕幕隔烟蘿德深未報猶縣  
磬恩重難酬似佩珂水冷山寒情固遠天空月白誼  
偏多境風吹入終南寺違侍巾瓶爭奈何

懷雪儕法伯

如王氣宇報鴻恩特地翻然釋卻瓶任是玄關難把  
住令人白眼盡身形風高日麗垂南極月朗更澂拱  
北庭未識何方吹鐵笛一聲雷震海天清

靜明有感

古志城東曰靜明清規提率振嘉聲免狐自是嫌遊  
戲獅象從教任縱橫門外旆高來野鶴室中竹杖警  
兒孫城頭放出梅花月香照長林萬卉新

送人下瀟湘

金風一點動溪頭谷尾殘霞合水流杖影斜挑峰上  
月鉢盂時貯海中漚藤牀垢物倩誰掃花徑清幽少  
客遊第取漢南無孔笛任君和遍楚天秋

送返聞侍者

巴山楚水谷雲深蜂也乘幽攘翠岑朝事清香和日

暖夜隨明月下珠林矮橋遮莫攔江岸短杖精神幾  
縱擒媿我無聞能器汝而今返帶露沾襟

送眉樵南行

行雲率意泛天涯志邁秦關野店家晝賴清風穿鬢  
瘦夜隨明月看梅花依稀船子舟前客彷彿大隋火  
裏蛇萬疊奇峰畱不住山前山後遙烟霞

次非眼劉居士韻

諱道開

渠無國土復何家應世惟拈鏡裏花幻化空身疑是  
夢攢花簇錦未爲嘉龜毛拂跳三千界兔角杖橫海  
外槎非有非無放下著乘機且御白牛車

撰述

惟石齋詩集卷之四

## 秋喜樂軒巴護法歸

宇宙清虛近酉申丹心一片罄丰神風扶舜日賢良  
主功配堯天倚北辰表帥森羅開帝業豎張圖畫接  
來賓秋光奕葉香無際亂壑巉巖句句新

## 寄電書主靈巖山

山明水秀列花場踞地獅兒吼法王風月一簾飛閣  
外彩霞千道遶檐傍松筠每誦春前句玉鼎常焚菊  
苑香七尺青藜燭宇宙裁雲剪韻滿瓶裝

## 江南約

竹裏金英氣正肥羨君省覲老龍歸飽餐佛法奚終  
用樂撫松篁卻後隨有意江山添義氣無心水鳥合  
同機布蓬壓碎桃花浪他日相逢句莫違

## 送易庵和尚

曹谿碧漾月來交萬里清光結似犀蝦鱗紛紛漂浪  
去魚龍振振肆音潮鑑支爛煮黃梅雨衲補渾忘雙  
桂嬌昨向長天搆一劙從教處處斬新條

## 輓通天老宿一百三十九歲

覩破鴻濛句子生數釐花甲兩輪人誕於明主肅宗  
日計頌清朝穀旦辰踢碎烟波遊錦國橫披霜月動  
江濱懸思鐵鶴冲霄漢萬紫枝頭獨弄春

60 1 2 3 4 5 6 7 8 9

10

80

1

2 3 4 5 6 7 8 9

撰述

結制

清高薄衲水雲僧峭壁交光日影澈方丈裏頭七尺  
木月明簾外一團水生擒龍象終初志活捉虛明似  
不會坐斷聖凡空劫外那容情識較疎親

次韻

古漢叢中艸店開逢場作戲盡良才神機一著雲翻  
雨妙用全彰虎伏崖佛日重光風滿座祖庭當曉色  
生苔等閒撥轉天關路萬里金鵬任往來

高眺

窮日登高廓大方森羅萬象自文章無心達去頭頭

合舉意看來色色裝本地風光明寂滅域中日月照  
容蒼寒梅漏泄東山事幾點雲聲獨弄香

芍藥

清韻叢中爍一枝香魂消灑澹濃彌遊蜂隊隊如堆  
上蝴蝶翩翩故放時風暖鳥音唶細碎日高花影落  
來遲賞心不覺歸來晚敲散殘雲月滿籬

秋月

望裏瑤天愈見奇清光何事映東籬霜侵紅葉香流  
遠風掃青巖色漸移陶冶冰心園似鏡磨磷瘦骨頓  
忘疲登樓目上千山闊笑指孤輪爍爍隨

九日

破屋蕭蕭枕寂寥雲開日朗覺天遙青霜密密籠幽  
竹黃葉高高過野樵一合乾坤猶可畫半天玄妙倩  
誰描韶光氣接重陽九鑑盡山河髮不饒

除夕

錫駐城東歲已除人天莫測道還孤霜敲雪月風生  
谷塵拂梅花香到厨瑤艸堦前增秀氣女蘿松上肆  
高呼門塵何用簪帝掃自有神珠不夜符

數載敲冰漢水涯高擣玉鼎煮蒙茶虛邀海內英賢  
士幸有爐頭老作家我媿線才無用處師垂錦繡興  
偏賒東風篆出新皇令大塊蒼生悉賴他

落落商山歲乍更爐中柏子翠烟生有收有放皆靈  
物無舊無新本現成寶閣風高須策進禪堂夜永火  
長明門塵未掃迎佳節薦取春回第一程

瀛落溟雲臘已三滿腔風味倩誰擔千鄰燈火輝天  
企萬井寒烟徧界參懶貼桃符易舊曆勤修梅弱藥  
新簪春前密啓通玄土起祚皇風彩瑞頌  
杖指芙蓉說法初招提元不爲人除才疎學淺詞難  
并且讀無文字一書撥火爐頭吹談談披襟榻半氣  
如如鷄曉五夜推殘去鴈語聲清和有餘

咏雪

凝精大塊卻成交益秀林巒帶霧拋松蔭流沙涌翠色梅驚傲富起花苞柴扉罕遇人來往竹榻且無月魄敲坐對紗窗斜照豔春王從此發初爻氣滿乾元體一同飄颻絡繹洗寒空虬松泊亂千峰上瑞竹欹斜萬壑中起色芙蓉成盛世壯觀少室悟靈通笑逢節臘春燒日幸展天顏育化風

鞶韁

倩木支挑作釣橋頻登恰似鶴冲霄旋空摺轉花容面平地輕飛雲髻嬌手把絲綸開鳳翼足登烟霧尊濟孫報道知音揚正化撥開頑鈍顯奇門

次韻

庭前柞柳也生根帶月披烟兩不存幾度春風含翠嶂一回秋艷占疎邨單持白拂德山子獨唱玄謌臨濟孫報道知音揚正化撥開頑鈍顯奇門

古柏

貌古蒼蒼點翠賾清浮歷歷傲烟霞不凋不謝經霜露無喜無憂結皓花大地乾坤堪作屋星辰日月槩爲家原來未有相欺意一任風敲展歲華

翠竹

帶固雄撐節節空生來孤翠傲清風披星帶月搖疎影吸露含烟顯密宗昔日香嚴曾擊悟今朝懶叟以爲筇庭前深韻懷知己孰裔腥臊氣慨冲

石牛

蓋色奇聲像似牛無紋毛色混春秋餐霞服露追風懶臥雪臨霜合上流莫大虛空藏石尾無端不跡在江頭由來曠劫心非異六合爲欄總不收

碧桃

商山院裏燦枝枝香噴清奇烈素姿荆棘林中藏瘦骨月明簾外露豐脂鶯花映日矜玄瑞雨灑搖風逞妙辭獨占春王標信節蜂搔蝶舞快心宜

影子

勿形神化甚靈清凡聖何曾離得卿步步無虧觀所應聲聲有咏聽由真同遊國土三千界共枕風烟百億城總屬妙園全體事其中透漏太分明

讀月幢法兄錄

龜毛卓豎奪龍睛獨唱玄風格外行杖指當陽親切句襟懷大地調高鳴鋒鎗箭苦權生殺石火光飛作用清聖迹凡踪俱掃卻舌頭拖地覆乾坤亂峰山頂露金睛博地輕煙踢碎行谷口風生迎虎

60 1 2 3 4 5 6 7 8 9

10 1 2 3 4 5 6 7 8 9

80 1 2 3 4 5 6 7 8 9

撰述

嘯海中雲起接龍鳴黃頭謾說聲前意碧眼難明句  
後清只爲同根先話墮流芳千古喜干昆

過香水寺

空庵祖道場

由來勝跡隱峰阿香水潺潺泛綠波臨濟家私曾漏  
泄德山活計若爲多空庵聲價吟松籟少室精瑩鎖  
翠蘿寥落煙光從地起當天日月古今磨

次半生法弟韻

敲空作響應須知杲日寰中正照彌獨唱玄機修一  
舌高歌雪曲策雙眉梅花已吐春新句椒眼睜開瑞  
色芝易貫古今天地事皎明及第獲心師

次權宰韓戎府

風月何期浩滿洲行吟清譽望難休幾回立盡三春  
雪一字揆空萬劫愁夢裏忽驚霜入鬢梅邊不覺露  
沾裳而今又得逢君話快我浮生倣石樓

壽韓護法

春滿乾坤風滿庭彩雲淨盡露天真包羅日月於中  
闊吞吐色空分外新歷落慣遊華藏界清閒洞徹古  
今人無拘無束無先後勲績端然享大椿

賀實如掌教

法門砥柱蔚英才立教扶宗震似雷金馬出欄嘶佛

一  
桺述

性不羈自古金卷正

日玉龍吼雨攘春臺妙明演印千機合道氣清流萬  
彙裁恆把慈風新萬卉高懸慧日照人懷

寄大雲弟

道人無愧笑呵呵口訥言遲氣自和離俗但忘憎愛  
少處塵寧畏是非多墜星灣裏分殘照卷簾庭前話  
縷纏任教我山千萬仞只將冷眼看如何

寄六鰲弟

剛逢一笑在人前道契同源別調玄妙應叢中開佛  
見斗光寺裏起單傳拈來色色超中外把出心心絕  
正偏話舊曹谿水底月精明皎潔杏花天

示輝瑞禪人

終日相逢無半面寂然千里孰知音不須格外論奇  
特只此全機耀古今領益相投猶未熟誰能把臂共  
譚心頻吹鐵笛雲驚驚獨震曹源一派清

送松月禪人歸里

巴山字水碧雲高松月堂堂敏儕操放去彌天呵佛  
祖歸來博地弄腥臊支鎧爛煮藤花食赤背橫披葛  
布袍揩拾餘機全大節逢人謾莫逞英豪

復本師和尚韻

破雨牧空山荒田豈廢焉窗芸千嶂月壁挂萬峰煙

60 1 2 3 4 5 6 7 8 9

10

80

90

100

薄食苔花苑和衣枕石眠韜光方丸合無奈一燈傳  
寄月幢法兄

宇宙初飄白雲疎葉澹裝終南山月迴鷄足雪花香  
適寄曹源信聊書犀扇章孤明風襲襲流影奪多方  
秋日寄懶生法兄

峩眉清月炯四海鑑何寥丹桂香千界蟬娥鎮九霄  
爲連枝一氣必固帶同條才詰風雲句江天作指標  
壽密言律師

漢江飛片月今古洞名場海會祥千集毘尼放玉光  
龍吟鐵鉢裏虎嘯木叉傍浩浩慈風作如蓮出水香

次軻初禪人韵

謝卻連雲棧飄然入市廝奇逢脫略語話舊喜多緣  
水澹涵天色山橫抱日眠一生清冷句不是口頭禪  
送石雲請藏

疎雨灑梅煙江聲送客船片帆開錦浪孤月照秦川  
杖縮東吳地書傳雙桂山櫂翻三海白龍藏卽爲還  
解制

旭日臨空際山川艸木暉遊蜂穀艷舞野衲逐雲飛  
碧水涵清月落花香襲衣杖頭傾法乳諸子息心歸  
春遊

撰述

博不周自序卷之三

散步芙蓉地花蔭艸色盈東風吹未悉柳陌報春晴  
逸興長空下還連紫竹聲過橋堪一笑足底有龍吟

中秋

時值良宵節登臨別一天蟾宮花正爍水裏月初圓  
萬木敲寒色千峰鎖澗川凭欄風勢急落葉翦殘煙  
雲掩中秋月森羅意未舒黃花香襲襲紅葉雨疏疏  
水潦寒潭靜天光瑞氣如禪心超白業明暗不相拘

九日

秋色才堪画凭欄菊正香花肥飄老葉詩瘦懶新粧  
千里雲來過一聲雁語行金風殊取次滴露艸含霜  
笠挂於東壁惟棲一老屋鋤煙喜植松耨雨偏修竹  
或嘯月明樓或交歌管族荷華出水香梅子抱雲熟  
門對碧天開獅象遊何獨

爲行者授衣

今朝十月初一水月能仁現瑞二諦瞻仰何殊卻是  
木又出隊八面玲瓏浩浩絕色絕空歷歷行者被服  
歸心不許持犯第一

示元亨寄名

菊日金風清北斗商山佛殿麒麟走觀音密應妙圓

60 1 2 3 4 5 6 7 8 9

10

80

1

2

3

4

5

6

7

8

9

撰述

清江詩集卷之二

通注汝心頭安樂否從斯不受病緣侵名喚元亨和泰久

滇南八境

昆池夜月

羨爾滇池浩劫幽舶來載得廣寒遊拈筇落影牽陞  
嶺收櫂輕煙繞漢樓水鏡體涵星斗浴珊瑚枝帶玉  
球浮清風領出龍王令不許閒雲占上頭

商山樵唱

路入商山峭可躋樵斤幾應響林西層崖尚有雲穿  
席老樹豈無猿笑啼旋折梅花香引座時肩竹筍影  
數來氣秀境堪聯鶯繞五華羽翼翩地靜林開風正  
令天青雲澹月初圓幾回覩也情何極一度思之夢  
未全但得鳥啼花發後春前圖回古今傳

螺峰疊翠

洞鎖奇雲隱大仙螺峰疊翠會城邊頂冠佩靄朝金  
闕衣帶彩霞拂御前襲襲松風盈耳目蒼蒼蘿月引  
前賢昆池影戲龍爭鬪氣壯皇圖億萬年

碧雞秋色

60 1 2 3 4 5 6 7 8 9

10

11

12

13

14

15

16

17

18

19

20

撰述

補石齋詩錄卷之二

一片清輝彩色張碧雞搖影弄奇香離塊姹女遊霄  
漢守兔缺郎戲水梁淺菊籬邊含玉艷閉花鏡裏吐  
金光古今烈子何蕭索空附其名宇宇宙莊

金馬朝暉

歸化庭前搖御鞭朝暉金馬勢衝天銀鞍緊佩張騫  
跨玉鐙高懸待范僊渴飲青霞筋骨壯餓餐碧霧羽  
毛鮮威雄不假陰陽力初闢鴻濛卻占先

官渡漁燈

燈盈枩岸燦紅英水底連天似又春光射龍宮開鳳  
雉香騰霄漢落江濱漁人沙浦擎杯樂鷗臥荷亭望

月吟道泰時清官渡古夜航不隔往來人

龍池躍金

鑑晴水國動天心雲麗金騰龍欲吟數數烟花杳不  
禁亭亭風雨操胡琴臨涯杖影魚驚釣泊岸虹蜺鳥  
畏擒六月飛瀾凝瑞雪滿城盡聽海潮音

懶石聆禪師語錄卷第四

板藏嘉興府  
楞嚴寺經坊

60

1

2

3

4

5

6

7

8

9

10

1

2

3

4

5

6

7

8

9

10

1

2

3

4

5

更詠六月雨  
驚蟄後雷聲  
禁亭亭風雨  
露華天子  
蠶部水國地  
天子更詠金  
贈此罪金  
且懷故土  
故宮對古  
君王恨不歸  
人

卷之三

60 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

